

風洞山傳奇上卷



長洲呆道人著

宣意

(副末上)

〔滿江紅〕搔首呼天。怎消却胸中煩惱。問底事。離宮卅六。亂生碧草。荆棘銅駝。窮士泣。旌旗鐵甲。胡人笑。飲屠酥。醉倒祿山兒。狂呼嘯。滇營裡。叅謀少。玉門外。將軍老。歎而今已矣。夕陽古道。日暮徘徊黃歇浦。天涯太息田橫島。感飄零。紅粉與青衫。無人弔。

于紺珠殉烈湘清閣。

瞿式耜盡節仙鶴巖。

王開宇祝髮華嚴寺。

楊碩父脩墓風洞山。

宣意

東京大學
東洋文化研究所所藏
漢籍善本全文影像資料庫

書名 風洞山傳奇二卷 光緒三十二年上海小說林社排印本
撰者 呆道人 撰
卷 卷首
內容分類 集-詞曲-南北曲-近人
索書號 雙紅堂-戲曲-44
編號 D8501900

[彩色首頁1](#)

[東洋文化研究所漢籍目錄 編號: D8501900](#)

[東洋文化研究所漢籍目錄所藏漢籍善本全文影像資料庫 索書號: 雙紅堂-戲曲-44](#)

[漢籍善本全文影像資料庫文本風洞山傳奇二卷 光緒三十二年上海小說林社排印本](#)

版權所有: [東京大學 東洋文化研究所](#)

[使用上的注意事項](#)



1897

双红堂
戏曲
410

0 1 2 3 4 5 6 7 8 9 10



風
洞
山

自序

叙日思宗殉國王業。偏安東南。人士痛雪國仇。竭忠盡智。碎骨捐軀。閣部而外。莫如臨桂新亭。涕洟故國。河山慷慨。誓師從容。盡節成仁。取義君子。躋焉秋齋。寥寂。舊雨不來。撫拾遺事。衍爲院本。以廁藝林。瞠乎後矣。紺珠第懷子。虛烏有。憂傷憔悴。至是而極。庾子山云。惟以悲哀爲主。嗟乎。嗟乎。橋山弓劍。古維衣冠。荒土一坏。夕陽千古。興亡離合。余亦不知其所以然也。風雨如晦。脩焉寡歡。略書鄙懷。長歌當哭。乙巳秋八月。呆道人題於奢摩陀室。

風洞山傳奇

例言

是編事實見瞿錫元所著庚寅始安事略錫元爲式耜後人所言當有可信
余通本篇目悉據此以爲排次

是編原始爲汾陽王薇伯所促成曾刊某報後以排場近熟乃改定此本凡
費十二月之久始得蕝事可謂樂此不疲焉

洪昉思叙長生殿云近人動作情詞贈荅數見不鮮余故力爲更之拙作亦
取此義凡有碍風化及前人所已發者槩從刪略

九宮舊譜音律雖精而字句鄙俚不堪卒讀學者按譜填詞此種文字容易
攔入筆端余力避其艱澀粗鄙處一以雅正出之故通本詞意瀏亮無吹折
噪子之誚後有作者可以爲法

此本脫稿後劉子子庚曾爲我點板黃子慕庵曾爲我評文翻新出奇多有
余意所未逮者什襲藏之以爲一時佳話

舊本傳奇中之引子幾於每齣皆有幽艷如玉茗亦有此病不知此種引子
最無道理既不起板亦不足動聽故葉譜盡去引子良有以也余填此詞引
子可省者省之不可省者仍之或以詩詞代之面目一新頗覺可喜

少時與潘子養純承庠論詞曲甚契養純謂嫻於音律艱於文字嫻於文字
艱於音律余曰然則玉茗鳧公伯龍雲亭昉思又何說之辭自是以後所論
各異今作此本窮日之力僅得二三牌而至艱難之處如雁魚錦香柳娘王
山十二峰九迴腸字字錦諸闕往往以一字一音至午夜而仍未妥者乃思
養純之言不置焉嗚呼泉路茫茫誰待我范巨卿乎

本朝詞曲可謂大備顧如趙蔣諸公會不一思瞿起由此亦詞場一恨事豈
當時有所忌諱故不敢出之歟而如史可法則又現諸優孟之間且入內廷
也此又何說之辭至嘉道間瞿菊亭譜有鶴歸來一劇可謂爲舉世所不爲
矣然此君宗旨以填詞當立傳昭示子孫故通本家事咸備反不足以襯忠
忠宣之忠蓋余所尤不喜者其開場結尾處以自已登場以賜諡結穴我不
知何所用心而爲此狡獪技倆也適成爲俗籟而已此作力更其弊煞費苦
心至文字之純疵此在讀者之何如揚之可使在天抑之可使入地爲龍爲
蛇吾不知其變化矣

桃花扇行世後顧天石爲之刪改長生殿行世後吳舒鳧爲之刪改率皆流
譽詞林傳爲美事顧此本行世雅不欲人之塗抹我文字大雅君子恕我狂
也

林

說

小

風 洞 山 傳 奇

呆道人識

例言

三


風洞山傳奇題詞

自題八絕句

啄月堆煙淚不波。青衫情味奈愁何。橫磨劍與坤靈扇。恨事人間爾許多。
 一樹冬青弔國殤。牛車泥馬指南方。漢官遺制無人識。窄袖蠻靴時世裝。
 枉說嫖姚大將臺。昆明浩劫早成灰。沙虫猿鶴啼秋月。可有鵑魂入夢來。
 戎馬河山戰一杯。哀絲豪竹不成聲。上書未見庚申帝。苦費當時轉六更。
 一片降帆事可哀。中原誰築螻龍臺。西曹鑄就飛霜獄。十二金牛挽不來。
 井水湯湯咽古愁。紅牙且自按梁州。秣陵山色珠江月。不抵匡山一葉舟。
 建安詞筆荒唐甚。值得遺民帶淚看。野史亭中秋草沒。桂林雲氣勝臨安。
 十載填詞苦耐貧。說龍諾虎亦前因。文章莫向西風哭。可道知音尙有人。

瀨上竹泉生惠題

題詞



題詞

二

雨夜開編鼻準酸。桂林山色逼人寒。漢官儀制歸優孟。日醉梨園未忍看。
一編青史四千年。多少興亡在眼前。水閣鶴巖何處是。只餘絲竹泣荒煙。
莫說前朝莫浪愁。養花時節且登樓。開筵坐顧周郎曲。更遣吳姬點酒籌。

江山噲椒惠題

一滴真元血。是天公。撐持世界。作成豪傑。猿鶴沙虫。秋草化了。却中原半壁。
生不幸。謀人家國。欲乞黃冠歸里去。聽桃花扇底孤鶯泣。偏獨抱女兒節。
將軍別有肝腸鉄。儘昏昏終朝醉夢。玉堦金穴。一木焉能支大厦。方寸靈光。
照澈都付與昆明。殘劫徧地皆非乾淨土。莽青山抵苦收遺骨。休更向老僧

說金縷曲

長洲痴石

夜鷓啼野馬死。故國淒涼如此。興亡夢比那日。臨安可還相似。夕陽紅戰血。

紫歎息。南中人士。重回首。奈悵望行宮。亂山千里。廢堡殘城。是舊日朱家。
戰壘土花零落。塞草荒寒。尚有暗風起。金粉凋殘矣。王氣全消。幽恨未已。倘
秋魂控鶴歸來。風洞山色暮靄裏。秋宵吟

青溪慧珠

江山半壁歎孤臣。辛苦碧血丹心。照千古算冬青一樹了。却南朝難禁得流。
涕。甘陵舊部。故鄉歸路遠。紅袖青衫。一樣飄零。怨遲暮。且莫說興亡。倘說
興亡。定惹起閒愁無數。怕劫運黃楊。薰重來。又滿地烽煙亂山。鼙鼓。歌洞

仙

吳江松岑

帝子花消歇。莽南天。蠻煙春瘴。杜鵑淒絕。從古流離家國事。偏惹鸞吡鳳泣。
只難望將軍死賊。漢臘存亡天一角。數降王譜。系羞從逆。還奪我女兒節。

題詞

三

題詞

四

忠魂碧漢旌。幢立猛回頭。殘山拱木。血花凝碧。種界靈魂兒女。共埋玉埋名。可惜厮守着茅庵半壁。後死餘生。丁末日。一蒲團了却。氤氳牒亡國恨。永難滅。金縷曲

昭文摩西

紅冷桃花血。撥檀槽。重歌軼事。是何雄傑。鳳泊鸞飄。侯門女甘學。枯禪面壁。還慘過孤臣。辭國烽火。燒殘鴛鴦牒。賸千山杜宇。三更泣巾幘。操媿磨節。鏌鎁獨躍。龍文鐵儘輸。它倡隨。師弟魚腸同穴。宗社已墟。家安在兒女情緣。悟澈算共轉光音。初劫剩水殘山。重黃梁。問他年誰拾降王骨。嘆天道總難說。

金縷曲和嶠椒均

昭文摩西

神州沈矣。問天公何苦。做盡傷心賺。今古剩青山。一片收拾英魂。算配得江左梅花閣部。瘴江風浪惡。慘綠愁紅。欲采芙蓉。已秋暮。破碎舊山河。青骨紅顏。總付與無憑氣數。正此際。重看劫灰燃。有壯士。纓鋤美人桴鼓。近日粵西之變

女會黃九姑洞仙歌 和慧珠均
等甚勇鷺

林 說 小

題詞

五

風 洞 山 傳 奇

小 說 林



題 詞

風 洞 山 傳 奇

目 錄

遊 湖

閱 兵

鳩 媒

書 規

慶 祝

獨 歎

省 師

旅 吟

野 死

目 錄

祭 花

潛 師

夢 警

留 駕

入 關

愁 語

拒 誘

囚 吟

完 忠

目 錄

刺 焦
埋 忠
辭 墓

入 海
哭 母
殉 烈

風 洞 山 傳 奇 上 卷



長 洲 呆 道 人 著

宣 意 (副末上)

〔滿江紅〕搔首呼天。怎消却胸中煩惱。問底事。離宮卅六。亂生碧草。荆棘銅駝。窮士泣。旌旗鐵甲。胡人笑。飲屠酥。醉倒祿山兒。狂呼嘯。滇營裡。叅謀少。玉門外。將軍老。歎而今已矣。夕陽古道。日暮徘徊黃歇浦。天涯太息田橫島。感飄零。紅粉與青衫。無人弔。

于紺珠殉烈湘清閣。

瞿式耜盡節仙鶴巖。

王開宇祝髮華嚴寺。

楊碩父脩墓風洞山。

宣 意